



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一八五

潛虛先生文集十四卷附年譜一卷潛虛先生遺集一卷 戴名世撰

一

小方壺存稟十八卷 汪森撰

二六七

小方壺文鈔六卷 汪森撰

四二三

青要集十三卷附傳誌 呂謙恒撰

四七五

青要山房文集不分卷 呂謙恒撰

五六三

潛虛先生文集
潛虛先生遺集

戴名世撰

清光緒十八年活字印本 原書版
框高一八二毫米寬二六〇毫米

戴名世 字田有，一字褐夫，號憂庵，又號藥身，安徽桐城人。生於順治十年（一六五三），卒於康熙五十二年（一七一三）。康熙四十八年（一七〇九）進士。授翰林院編修。幼時家境甚貧，遂發憤讀書。工篆隸，精研明史，擅詩文，名重一時。所撰《南山集》為一時名著，為避禍，改名《潛虛文集》，題桐城宋潛虛撰。因書中錄有南明桂王史事，且屢見南明年號，遭趙申喬彈劾，以「大逆」罪下獄致死，連坐者數百人。提出「精」、「氣」、「神」三主張，認為作文應「率其自然」、「修辭立其誠」，不僅要有變化，還應有「獨知」。其古文深為方苞推重，於桐城派之形成頗有貢獻，後人多推其為桐城派開山祖之一。參考文獻：《清史稿》卷四八四、《清人別集總目》、《清人詩文集總目提要》卷一三、《戴南山先生年譜》

潛虛文集

十四卷



尤刻原序

五嶽之氣皆能出雲雨產金玉而其靈常鬱結盤
魄而發爲偉人或以德業或以文章卓卓有垂於
天地而與爲不朽然其靈亦不能並時而鍾如寒
暑之遞運而以時至往往積千百年一見益造物
之力亦有所惜未能數數然也鄒魯之間闕里在
焉此天地之神靈爲之發育非止由乎秦岱也而
一時從游之士亦多東國之產則嶽神盖已有所
屬矣高高以生申甫誦於詩楊震郭子儀諸公多
在華山下惟恆霍之靈自古至今未有所洩而霍

潛虛先生文集

朱序

一

更甚霍山者今安慶天柱山古南嶽也安慶朱邑
陳武何點三君子畧著史冊其以德業文章見者
寥寥明興以來直亮之士稍稍出焉而以配靈霍
山猶未之有也說者以爲隋唐而後南嶽之祀移
於湘南霍山不列五嶽之數其靈或有所窮然予
嘗游岱山之下西登華山矣其爲山也秩祀雖領
於祠官而開鑿斷削多改其故童儒女婦踐而越
焉日觀之宮且有一婦人以爲神有司權金錢網
其利而霍山獨嶠然太清之表石巖泉瀑間上之
爲黃帝虞舜之所祭告下亦不失爲漢武之所封

後世淫瀆之物不得而污之則霍山之神必能守古制以自樂而無羨於彼之燔牲瘞玉相詫以三公之號獨榮於天下也余與戴君田有皆生霍山之麓東西相距皆二百里而遙皆迂拙無用於時而自力於古文以取正於天下而待於後世則皆有其志顧余力薄才弱爲之而無成田有年未壯時出語輒工至今垂二三十年稍稍收輯之得若干篇命之曰南山集而命余爲序夫岱之靈發於聖門嵩之靈發於申甫華之靈發於楊震郭子儀之屬而霍山卒無所洩在人方以秩祀之不至而

潛虛先生文集

朱序

二

疑霍山之窮在霍山正以不辱於世之三公而有以自樂而予與田有乃適生其間余不足道也田有亦不知果能當霍山之靈與否然而其文足以不朽則余固知其與霍山同永無疑也五嶽與霍或領於祠官或不領於祠官譬則一掛仕版而受職於時一不臣不友而抱奇以志於古然則今五嶽所鍾必多功名之士而沈冥著書者固於霍山爲宜也歟今其集名曰南山者何也志歸隱之地也田有自是殆不復出矣宿松朱字綠撰

尤刻原序

壬午之冬吾友褐夫卜宅於桐城之南山而歸隱焉從遊之士刻其所爲古文適成因名曰南山集其文多未歸時所作而以茲所居名焉著其志也余自有知識所見聞當世之士學成而並於古人者無有也其才之可拔以進於古者僅得數人而莫先於褐夫始相見京師語余曰吾非役役於是而求有得於時也吾胸中有書數百卷其出也自付將有異於人非屏居深山足衣食使身一無所累而一其志於斯未能誘而出之也其後各奔走

潛虛先生文集

萬序

一

四方歷歲踰時相見必以是爲憂余亦代爲憂而自辛未迄十餘年而莫遂其所求吾聞古之著書者必以窮愁然其所謂窮愁者或肥遯不出仕宦而中跌名尊身泰一無所累其心故得從容著書以自適也自科舉之法行年二十而不得與於諸生之列則里正得而役之鄉里之吏鞭笞行焉又非貴遊素封之家則所以養父母畜妻子者常取足於傭書授經窘苦囚拘終身而不息尙何暇學古人之學而冀其成耶故士窮愁則必不能著書其事若與古異而以理推之則固然無足怪也

褐夫少以時文發名於遠近凡所作賈人隨購而刊之故天下皆稱褐夫之時文而不知此非褐夫之文也其載筆墨以遊四方喜述舊聞記山水之勝而以傳序說諸者亦時時應焉故世復稱其古文是集所載是也而亦非褐夫之文也褐夫之文蓋至今藏其胸中而未得一出焉夫立言者不朽之末也而其道尤難書傳所記立功名守節義與夫成忠孝而死者代數十百人而卓然自名一家之言自周秦以來可指數也豈非其事獨希故造物者或靳其才或艱其遇而使皆不得以有成耶

潛虛先生文集

方序

二

褐夫之年長矣其胸中之書繼自今而不出則時不贍矣必待身之無所累而爲之則果有其時耶故余序是集而爲褐夫憂者倍切焉因發其所以使覽者知褐夫之志而褐夫亦時自警而亟成其所志也同里方苞撰

尤刻原序

吾師憂庵先生所爲制義百篇既已流傳於世人皆知誦法矣而其所爲古文較之制義更工且富於是四方學者購先生之古文踵相接也而先生堅匿不肯出雲鶚固請先生刊行於世先生曰古文之道較之制義難且數倍吾遭困阨奔走於衣食其於工力未能深入閫奧安能必其傳世而行遠且古人文字必屢加改易而後有定本今吾所爲文隨筆直寫未經鍛鍊篋中所存皆草稿而已吾方欲買山深隱細加擇別更定而後敢出以

潛虛先生文集

尤序

一

問世其或後來學業有進文或加工則向時所爲且將舉而棄之而何刊行之爲蓋先生下筆妙天下而猶虛懷不自信如此雲鶚無以塞四方學者之意乃檢平日所藏鈔本百餘篇在先生集中僅五之一爲刊而布之餘俟後有定本再鋟諸板昔人稱文筆之逸氣三代以後司馬子長得之後惟歐陽永叔得之余謂歷南宋至元明迄今日惟先生得之先生留心先朝文獻十餘年來網羅散軼次第畧備將欲成一家之言與史記五代史相頡頏而先生平居文字其風神淡蕩直接龍門廬陵

先生雖虛懷不自信而南豐辦香四方學者之所
宗仰其必在是集也夫辛巳日受業九雲鶚識

潛虛先生文集

尤序

二

潛虛先生文集目錄

桐城宋潛虛著

卷一

論說

老子論上

老子論下

范增論

魏其論

撫盜論

田字說

褐夫字說

藥身說

種樹說

命說

左生生字說

鳥說

潛虛先生文集

目錄

一

卷二

序

先大人詩序

濤山先生詩序

劉陂千庶常詩序

朱翁詩序

方逸巢先生詩序

程偕柳淮南游草序

天籟集序

齊謳集自序

李縣圃唱和詩序

邵生詩序

陳某詩序

野香亭詩集序

巢青閣集序

姚符御詩序

道墟圖詩序

吳他山詩序

成周卜詩序

傅天集序

和陶詩序

倪生詩序

杜溪稿序

四逸園集序

張貢五文集序

北行日記序

困學集自序

子遺錄自序

潘木崖先生詩序

初集原序

卷三

序

金正希稿序

陳大士稿序

方百川稿序

方靈皋稿序

潛虛先生文集

目錄

狄向濤稿序

徐文虎稿序

汪武曹稿序

徐貽孫遺稿序

自訂周易文稿序

黃崑圃稿序

李潮進稿序

意園制義自序

孫檢討課兒草序

吳七雲制義序

鄭允石制義序

左尚子制義序

史某制義序

朱嵩南制義序

趙傳舟制義序

自訂時文全集序

洪岷霞制義序

儲禮執制義序

繆太翁遺稿序

劉退庵先生稿序

章太占稿序

蔡阜亭稿序

吳弘表稿序

程偕柳稿序

梅文常稿序

程爽林稿序

齊天霞稿序

楊千木稿序

馬宛來稿序

蔡瞻岷文集序

高工部兩世遺稿序

四家詩義合刻序

卷四

序

禹貢錐指序

四書朱子大全序

潛虛先生文集

目錄

兒易序

春秋正業序

恭紀 睿賜慈教額序

辨苗紀畧序

闕里紀言序

李太常案牘序

小學論選序

中西經星同異考序

三山存業序

戴氏宗譜序

慶厯文牘本序

甲戌房書小題文序

己卯行書小題序

庚辰小題文選序

九科文總序

課業初編序

讀易質疑序

德政詩序

唐宋八大家文選序

書貨殖傳後

書歸震川文集後

書閻寧前墓誌後

書咏蘭詩後

跋趙孟頫畫

卷五

書

與王靜齋先生書

再與王靜齋先生書

上韓宗伯書

再上韓宗伯書

答某書

與余生書

答張伍兩先生書

與劉言潔書

潛虛先生文集

目錄

四

答趙少宰書

與大山書

與趙良治書

上劉木齋先生書

與王雲濤書

答張氏二生書

與白藍生書

與何岷瞻書

與洪孝儀書

與朱生書

與弟書

卷六

贈序

趙良治序

葉蒼巖序

許亦士序

劉言潔序

朱字綠序

釋鍾山序

蕭端木序

蔣玉度選昆陵序

劉繼莊還洞庭序

王序綸之任婺源序

趙驥期序

顧君原序

王雲衢之任新津序

韓某序

張天間先生八十壽序

蕭翁壽序

芥舟翁壽序

朱太孺人壽序

戴母唐孺人壽序

凌母嚴太安人壽序

戴母湯太孺人壽序

潛虛先生文集

目錄

五

卷七

傳

左忠毅公傳

薛大觀傳

曹先生傳

李庶常家傳

張翁家傳

沈壽民傳

金知州傳

溫濤家傳

張驗封傳

楊允正傳

程孝子傳

陳士慶傳

李逢亨傳

楊維嶽傳

王養正傳

劉孔暉傳

艱貞叟傳

何翁家傳

卷八

傳

一壺先生傳

畫網巾先生傳

寶成傳

吳文煒傳

唐允隆傳

岳薦傳

朱銘德傳

楊劉二王合傳

王學箕傳

程之藩傳

方舟傳

李月桂家傳

邵生家傳

胡以溫家傳

潛虛先生文集

目錄

六

卷九

傳
書傳家傳附

周烈婦傳

徐節婦傳

郭烈婦傳

戴節婦傳

王烈婦傳

李節婦傳

袁烈婦傳

吳江兩節婦傳

儀真四貞烈合傳

詹烈婦傳

朱烈女傳

李烈婦傳

節孝唐孺人傳

西河婦荏山女合傳

李烈婦傳

吳烈婦傳

謝烈婦傳

成烈婦傳

汪節婦傳

書光給諫軼事

書許翁事

書許榮事

書全上選事

書先世遺事

先君序畧

卷十

墓誌

汪河發墓誌銘

誥封光祿大夫又封榮祿大夫驃騎將軍副

總兵官都督同知張公墓誌銘

潛虛先生文集

目錄

七

孫宜人墓誌銘

鄭允惠墓誌銘

勅授承德郎工部屯田清吏司主事劉公墓

誌銘

王氏墓表

卷十一

記

響雪亭記

芝石記

唐西浦記

游浮山記

石門冲記

西園記

兔兒山記

游西山記

游爛柯山記

桃山鏡石記

游吼山石記

古樟記

游天台山記

雁蕩記

游大龍湫記

龍鼻泉記

曹氏怪石記

莊蓼圖記

綠蔭齋古桂記

溫泉記

青布潭記

硯莊記

數峯亭記

河墅記

葦慶寺玉蘭記

日本風土記

潛虛先生文集

目錄

八

窮河源記

卷十二

雜著

八月庚申及齊師戰於乾時我師敗績

秋九月乙丑晉趙盾弑其君夷皋

西狩獲麟解

讀揚雄傳

窮鬼傳

意園記

醉鄉記

睡鄉記

憂庵記

紀老農夫記

紀夢

紀紅苗事

錢神問對

討夏二子檄

疑解

祭錢雲瞻文

鸚鵡贊

筆贊

卷十三

紀行

乙亥北行日紀

庚辰浙行日紀

辛巳浙行日紀

丙戌南還日紀

卷十四

子遺錄

附災異記

右潛虛先生文集十四卷編次之法畧仿唐

潛虛先生文集

目錄

九

宋以來諸家之例而變通之首論說次文集

序稯著序書後亦序體也附入焉次書次贈

序附壽文序次傳附書事文震川集以書事

入稯著鄙意名異傳而體同當與傳爲一先

君序畧家傳也故附之次墓誌次山水記次

雜著窮鬼傳入稯著者以其爲游戲之文仿

昌黎集毛穎傳入雜文不與何蕃傳王承福

傳並也意園睡鄉等記亦游戲文無記事之

實名同實判故不入記哀祭贊頌昔人另爲

卷茲僅數首遂附之次紀行陸放翁范石湖

以紀行入外集錢虞山編震川集從之茲編無外集故另爲一卷次子遺錄一卷子遺錄者紀桐城明末兵變之事先生生平極得意之文莫過於是自另爲一書有北平王源休甯汪灝同里方玉正序茲訂爲一卷而錄王源序於後終焉通計文二百五十餘首此外文尙六十餘首妄爲汰去類皆持議過當立言太激行文太率者使先生存自訂其集所刪當不惟是小子謏陋於先生文未能窺見區區何敢肆意大有去取姑以鄙見所集

潛虛先生文集

目錄

十

者訂之如此云編旣成書其後曰嗚乎文章之事豈不難哉商周以前無專以文章著者晚周之世乃少有之至秦漢而爲之者益專且衆司馬子長生漢武之朝以天授之才承累世之學通古今書史之秘窮天下山水之奇跡其所遭極人世萬不可堪之境侘傺抑鬱感憤悲傷以其所蓄發爲文章遂以雄於天下傳於後世自後世言文章稱大家者所造雖各有不同要莫不深有得乎子長之義旨唐之韓柳宋之歐蘇明之熙甫其尤著

者也

國朝作者間出海內翕然推爲正宗莫如吾鄉望溪方氏而方氏生平極所嗟服者則惟先生先生與望溪生爲同里又自少志意相得迨老不衰其學力之淺深文章之得失知之深而信之篤者莫如望溪望溪推之學者其復何說也顧望溪生爲顯官身後著作在天下而先生摧折困抑垂老構禍以死著作脫軼莫爲之收而一二藏書家有其稿者又秘弗敢出四方學者徒耳先生之名求讀其書不

潛虛先生文集

目錄

十一

可得文章之遭際幸不幸固如是耶余讀先生之文見其境象如太空之浮雲變化無跡又如飛仙御風莫窺行止私嘗儗之古人以爲莊周之文李白之詩庶幾相似而其氣之逸韻之遠則直入司馬子長之室而得其神雲鶚尤氏嘗謂子長文章之逸氣歐陽永叔後惟先生得之非虛語也余又觀先生文中自叙及望溪先生所作序文知先生生平每以子長自命其胸中藏有數百卷書滔滔欲出向令克成必有不同於班固范曄宗陳壽

諸人者豈僅區區文字足見其得子長之神哉惜乎有子長之才不能有子長之志僅此區區而猶阨抑使不得彰行於世良可悲已先生文集名不一少時著有困學集蘆中集問天集巖居川觀集皆不復可見今世所墜存者惟門人尤雲鶚刊本所謂南山集是也南山集載文止百十條首里中吳氏藏有寫本較尤本文多且半余假而抄之復於許君處見先生手稿十數首又尤本吳本未加編次亦無意例余乃共取編之嗚乎以余所見

潛虛先生文集

目錄

三

三本同異如此此外不可見者其零散知幾何也道光二十一年冬十二月廿九日

潛虛先生年譜

先生行畧世多不傳所墜見者文中自道里中吳氏弄手寫本文目之下多繫以年爰推甲乙以證始終於其家乘亦兼採焉纂爲年譜以示來哲

順治十年癸巳

先生生於是年三月十八日時先生曾祖孟庵先生猶在堂年五十八祖古山先生年四十父霜崖先生年二十一○友人曰余少從戴皋亭師游皋亭潛虛先生元孫也家藏潛虛先生年

潛虛先生文集

年譜

一

譜少時見之戴先生一歲能言今皋亭師之子孫無復存其書不復可得也

十一年甲午

先生二歲父霜崖先生以是年補縣學生按先

生先君序畧云歲甲午年二十一補博士弟子

十二年乙未

十三年丙申

十四年丁酉

十五年戊戌

先生六歲是年初從塾師受學按先生時文全

集序云予自六歲從塾師受學凡五年而四書五經讀已畢

十六年己亥

十七年庚子

十八年辛丑

先生九歲弟平世以是年六月十九日生時霜

崖先生授徒廬江按先君序略云歲辛丑壬寅

間始擔囊授徒廬江

康熙元年壬寅

二年癸卯

潛虛先生文集

年譜

三年甲辰

四年乙巳

五年丙午

六年丁未

七年戊申

八年己酉

九年庚戌

先生十八歲曾祖孟菴先生以是年二月十二日卒年七十有五按先生響雪亭記曾大父爲之銘有曰不陰常雨盛暑猶雪遂以名其亭而

命小子記之據此是文作於孟菴先生在時當在十八歲前集中所載是篇爲最早

十年辛亥

十一年壬子

先生二十歲是年始授徒按先生時文全集自序云讀書稍有得已二十矣先君子束修之入不足以給饗殮余亦謀授徒以養親

十二年癸丑

十三年甲寅

十四年乙卯

潛虛先生文集

年譜

十五年丙辰

先生二十四歲是年所作有正希稿序有大士稿序答朱生書左忠毅公傳

十六年丁巳

十七年戊午

先生二十六歲是年所作有老子論二首

十八年己未

先生二十七歲始受知於督學使者劉木齋先生按先生時文全集隱居以求其志二句題文後自說云此與子游子夏二段題文係己未年

督學使者劉木齋先生月課首取之作也二義極蒙先生咨賞明年遂入縣學距今踰二十年矣偶定舊稿頗欲棄去念當年文風卑弱特甚余以文不諸俗蒙詬厲外間知文自茲始後來督學知余者惟今大司農李公此外小試及塲屋之文無一不落者存此志知己之感也是年所作有書詠蘭詩後與王靜齋先生書○集中載與王靜齋書二首論文一首抄自吳氏寫本下注已未作其短篇抄自尤氏刊本不知作於何時當亦已未作也與趙良冶書

潛虛先生文集

年譜

四

十九年庚申

先生二十八歲補縣學生是秋謁劉木齋先生於句曲按先生送朱字綠序云庚申之秋余謁劉公於句曲父霜崖先生以是年冬十一月十九日卒於陳家洲館次年四十八詳集中先君序畧

二十年辛酉

先生二十九歲授徒陳家洲按先生初集原序云歲辛酉余教江濱洲渚之上菰蘆之中無可以度日又汪河發墓誌云余辭出山來江濱時

出憂念蓋卽霜崖先生館地也是年編訂霜崖先生遺詩自訂古文初集周易文稿所作有先大人詩序初集原序自訂周易文稿序又有與弟書先君序畧汪河發墓誌銘春秋經解三首疑解祭錢雲瞻文鸚鵡贊

二十一年壬午

先生三十歲授徒舒城郭氏按先生郭生詩序云今年春余踰岐嶺浴於湯泉有郭生者遣其二子受學於余是年所作有郭生詩序潘木崖先生詩序青布潭記溫泉記河墅記紀老農夫

潛虛先生文集

年譜

五

說紀夢筆贊

二十二年癸亥

先生三十一歲仍客舒城得交許亦士按先生贈許亦士云乃者客於舒城尤荒陋而亦士獨爲有志於道者是年所作有左生生字說贈許亦士序

二十三年甲子

先生三十二歲仍客舒城秋應鄉試遇宿松朱書於舊縣遂訂交按先生送朱字綠序云歲在甲子余浮江往金陵舟次舊縣登岸與舟子相